

Broj: 101-6419/19 DžS<sup>pis</sup>  
Zenica, 26.04.2019. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-6417-1/19 DžS od 26.04.2019. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

### **ODLUKU** **o izboru najpovoljnijeg ponuđača**

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 716-6417/19 DžS od 26.04.2019. godine u postupku dodjele okvirnog sporazuma za nabavku fazonskih komada za ljevano-željezne i plastične cijevi i prihvata se preporuka Komisije za nabavke, da se okvirni sporazum zaključi sa ponuđačem:

#### **Bihexo d.o.o. Sarajevo**

kao najbolje ocijenjenom ponuđaču, prema ponudi protokolisanom pod brojem: 716-5878/19 od 15.04.2019. godine, za ponuđenu cijenu od 107.398,00 KM, bez uračunatog PDV-a.

II

Prijedlog okvirnog sporazuma dostavit će se na potpis izabranom ponuđaču Bihexo d.o.o. Sarajevo, nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude

III

Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 101-2816/19 BS od 12.03.2019. godine.

Javna nabavka je provedena putem otvorenog postupka sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a je 108.000,00 KM.

Dana 13.03.2019. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-80-3-21/19 objavljena je i tenderska dokumentacija.

Poziv za preuzimanje tenderske dokumentacije broj: 713-2816-2/19 BS od 13.03.2019. godine upućen je sljedećim ponuđačima:

1. Bihexo d.o.o. Sarajevo
2. Darves d.o.o. Sarajevo
3. Vodokok d.o.o. Tomislavgrad
4. CMC Group d.o.o. Sarajevo

Na osnovu Izvještaja o preuzimanju tenderske dokumentacije od strane ponuđača od 25.04.2019. godine u 09:40 sati, utvrđeno je da su sljedeći ponuđači preuzeli tendersku dokumentaciju:

1. Ekapija d.o.o.
2. NV-Invest
3. CMC Group d.o.o.
4. BBS Europe
5. GANIK I.D.A. d.o.o. Vitez
6. Vatosistemi d.o.o.
7. Hidro-Termo centar d.o.o. Sarajevo
8. Bihexo d.o.o.
9. Interkont Komerc d.o.o.
10. DKM Gradnja d.o.o. Maglaj
11. Vodoskop d.o.o. Tomislavgrad
12. Toplota d.o.o.
13. TD Nova trgovina S d.o.o. Kakanj
14. Poliko-Internacional
15. Pero d.o.o. Zenica

Rok za dostavljanje ponuda je bio 15.04.2019. godine do 13:00 sati.

Komisija za nabavku imenovana je Odlukom broj: 101-1/19 MS od 03.01.2019. godine.

U toku postupka ponuđači su putem portala [www.ejn.gov.ba](http://www.ejn.gov.ba) od ugovornog organa tražili pojašnjenja tenderske dokumentacije. Ugovorni organ je, takođe putem portala [www.ejn.gov.ba](http://www.ejn.gov.ba), odgovorio na postavljena pitanja, u skladu sa članom 56. Zakona o javnim nabavkama.

Komisija za nabavku je dana 26.04.2019. godine direktoru preduzeća dostavila Zapisnik o ocjeni ponuda broj: 716-6417/19 DžS od 26.04.2019. godine i Preporuku o izboru najpovoljnijeg ponuđača broj: 716-6417-1/19 DžS od 26.04.2019. godine, u postupku javne nabavke za nabavku fazonskih komada za ljevano-željezne i plastične cijevi.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nije bilo neblagovremeno zaprimljenih ponuda,
- ukupno 15 (petnaest) ponuđača je preuzelo tendersku dokumentaciju sa Portala javnih nabavki

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

Uvidom u priloženu dokumentaciju otvorenog postupka za dostavu ponuda broj: 713-2816-3/19 BS za nabavku fazonskih komada za ljevano-željezne i plastične cijevi, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je ponuđena cijena bilo kojeg ponuđača neprirodno niska.

Ponuđač Vodoskop d.o.o. Tomislavgrad nije u Aneksu 1, stavka pod rednim brojem 12.27 unio jediničnu cijenu proizvoda ni ukupnu vrijednost stavke. U TD je navedeno da se navedeni propust ne može smatrati računskom greškom te da se isti ne može ispravljati. U skladu sa prethodno navedenim ukupna vrijednost ponude iznosi 131.185,77 KM bez PDV-a (bez stavke 12.27) odnosno vrijednost nije tačno navedena u obrascu. Iz gore navedenog razloga ponuda ponuđača Vodoskop d.o.o. Tomislavgrad se odbacuje u skladu sa članom 68., stav 4., tačka (i) Zakona o javnim nabavkama BiH.



Ponuđač Bihexo d.o.o. Sarajevo je dostavio formalno-pravno i tehnički zadovoljavajuću ponudu koja je kao takva prihvatljiva za ugovorni organ i može biti predmet ocjenjivanja.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „najniža cijena“, prihvatljivih ponuda/ponuđača kako slijedi:

1. Bihexo d.o.o. Sarajevo, sa ukupnom cijenom ponude u iznosu od 107.398,00KM, bez PDV-a,

te dala preporuku da se okvirni sporazum zaključi sa najuspješnijim ponuđačem Bihexo d.o.o. Sarajevo na period od 12 mjeseci.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.


Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



Direktor:

  
Pašalić Emir, dipl.ing.građ.

#### **DOSTAVLJENO:**

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a